

欽定大清會典事例

欽定大清會典事例卷四百七十七

禮部

喪禮

孝惠章皇后大喪儀  
孝康章皇后大喪儀

孝惠章皇后大喪儀。康熙五十六年十一月。

仁憲皇太后不豫。禮部內務府等衙門奏稱。

皇太后疾大漸。如有不諱。請照。

孝康章皇后大喪儀辦理。奉

諭。

孝康章皇后升遐時。朕方十歲。皆係輔臣辦理。典禮恐有未備。後見治仁孝皇后喪儀。甚有條理。如遇

皇太后大事。若稍有簡略。朕心何安。爾等用心詳議。舉行。○先是

仁憲皇太后不懌時。

聖祖仁皇帝方患足疾。不能步履。仍御輦。命太監昇

至

寧壽宮。扶掖問安。至十二月初六日

仁憲皇太后疾革。

聖祖仁皇帝足疾愈甚。仍昇至

寧壽宮西側殿。酉刻

仁憲皇太后崩。

聖祖仁皇帝擗踊哀號哭無停聲戌刻奉

梓宮於

寧壽宮正殿設

几筵建丹旒於

寧壽門外之右命侍衛四人舁榻近

几筵前就榻成服截髮辮跪哭失聲祭酒三爵乃跪呼  
聖母念臣足疾不能盡禮惟

聖母鑒之言畢大慟迷暈時

世宗憲皇帝及諸

皇子皆侍左右惶遽失措

世宗憲皇帝急呼哭者止聲。於是內外寂然。少頃。聖祖仁皇帝始甦。諸

皇子內大臣環跪叩勸。乃強昇榻。退至側殿。

聖祖仁皇帝仍哀哭不止。傳

旨。朕事

聖母皇太后六十年。慈孝無間。前疾革。朕坐榻省安。

皇太后雖不能言。猶能認視。今朕雖患足疾。艱於動履。得於榻上照常祭奠。朕心庶得稍安。爾等自夜達旦。不可止哀。內大臣侍衛分為三班。輪流舉哀。八旗大臣官員分為四班。按左右翼於王公後輪流舉哀。宗

室覺羅漢大臣官員等亦輪流舉哀其

寧壽宮宮女內監等舉哀至明日朝奠後再止

皇子諸王大臣再四叩請

聖祖仁皇帝乃還蒼震門內以

延禧宮為苦次

簡命貝子大臣恭理喪儀並除進爵大臣○次日公主  
福晉以下奉恩將軍恭人以上內府官員執事  
人等妻皆成服王以下奉恩將軍以上民公侯  
伯以下有頂戴官員以上內府官員執事人等  
皆成服革退之宗室覺羅等亦准成服王以下

文武各官。不嫁娶。不作樂。凡二十七日。軍民人等。凡七日。出兵將軍以下。兵丁以上。摘冠纓三日。專司。

太廟

奉先殿祭

神殿執事內監男婦。及出征軍營官兵家屬。皆停給孝服。本人父母新喪。兒女出痘。暫免成服。外藩公主福晉等。額駙王台吉等。未除服內至者。成服除服後至者。摘冠纓去耳環三日。朝鮮國使臣在京者。亦給孝服。免其齊集。移文各省督撫提

鎮三司官員免其遣官進香。告假四品以上官員免來京叩謁。每日

儀駕陳設二次。早晚上食。及日中奠饌筵皆

簡皇子數人。輪流祭酒。和碩福晉以下。入八分公夫人以上。於

寧壽宮東門外齊集。內務府官妻。於命婦之次齊集。王福

晉等乘馬命婦等步王以下。入八分公以上。內

行皆自神武門進大臣侍衛滿漢大學士等。於

寧壽門外齊集。不入八分公民公侯伯以下滿漢文武官員以上。於



寧壽門外西牆下齊集。

皆由華門出入

三日內皆在各齊

集處隨舉哀行禮。三日後王公大小官員等每

日早齊集一次。福晉以下命婦等於祭祀奉移

等日照常齊集。三旗內府官員等妻。每日一旗

輪流齊集。○頒

遺詔於各直省及朝鮮國。

詔到日。各照例成服。凡二十七日。○十六日。行啟奠禮。

陳羊酒饌筵楮帛如數。前期禮部奏請

簡皇子恭代行禮。奉

旨。此乃初祭。朕雖艱於動履。務必親詣祭酒。

寧壽宮中復能得行禮乎。從此永訣矣。諸王子及大臣等勿拂朕意。是日陳

冠服遣

皇子恭代行禮。

聖祖仁皇帝仍御輦榻詣

几筵前西旁。跪於榻上舉哀。設俎豆於

几筵前。設饌筵於丹陛兩旁。設祭文案於殿西檐下。禮

部堂官奉祭文進

寧壽宮中門。安設於西檐下案上。內府官陳設祭品畢。

讀祝官奉祭文跪。恭代行禮之

皇子詣奠几前跪衆隨跪哀暫止讀祝畢舉哀祭酒三爵每祭一叩

聖祖仁皇帝隨行三拜禮衆隨行禮舉哀徹饌筵王公以下皆出讀祝官奉祭文禮部堂官前導出中門送至燎所交內監接奉女官奉

冠服出

聖祖仁皇帝皆頂戴跪送至燎所遣公主祭酒三爵

聖祖仁皇帝在內隨行三拜禮舉哀畢還宮衆婦女咸至燎所隨行禮畢各退○十七日奉移

梓宮於朝陽門外

殯宮暫行安奉。王以下貝子以上年老者。外藩親王。台吉。年老者。為公主之子孫者。於

協和門外東北齊集。王以下奉恩將軍以上。外藩王以下。台吉以上。在

東華門外路口齊集。左翼民公侯伯以下。官員以上。在鎧市口齊集。右翼民公侯伯以下。官員以上。在紅廟大街口齊集。奉移時。

聖祖仁皇帝祭酒三爵。攀號不已。

梓宮啟行。昇榻哭送出。

寧壽宮西門。舉哀跪送。

靈駕發。仰望不見。始止哀。還苦次。王以下各於齊集處  
跪迎舉哀。候過。

儀駕前列。

徽號冊寶奉安綵亭。校尉舁舉。在黃蓋前行。

仁憲皇太后御用器物均恭奉在

儀駕兩旁隨行。次

妃

嬪等車

皆用青  
轎帷

隨行。次內府婦女一百八十人乘

馬隨行。少閒。豹尾班隨行。次王公大小官員等  
按班隨行。每過門橋處。遣內大臣祭酒。公主和

碩福晉以下官員命婦以上豫至

殯宮二門外序立。王以下大小官員於大門外序立。候靈駕至。跪迎舉哀恭奉。

梓宮入

殯殿內府宮陳

冊

寶於左右。設

几筵。

皇子祭酒三爵。每祭行一叩禮。衆隨行禮畢。焚楮

錢丹旒各退。○奉移後。

皇子等輪流祭酒。每日照常三次設奠。繹祭。以內務府總管命婦祭酒。一月前儀駕日設二次。滿月後停止陳設。遇大祭日仍設二十七日內。內務府官員等妻在內舉哀。內務府官員在外舉哀。百日內。內務府官員及妻。日以四十人二次輪流舉哀。○二十一日行初祭禮。

儀駕全設。陳羊酒饌筵各祭物如數。公主福晉以下。八分公夫人以上。於二門內。不入八分公。民公侯伯夫人以下。官員妻以上。於內牆外序立。王以下。奉恩將軍以上。外藩王公台吉。內大

臣侍衛二品大臣以上於二門外內務府官於大臣後各序立禮部堂官奉祭文陳設畢恭代行禮之

皇子跪衆隨跪讀文畢

皇子祭酒三爵每祭行一叩禮衆隨行禮舉哀興徹饌畢讀祝官奉祭文至燎所派出之親王福晉祭酒三爵衆婦女皆隨行禮畢各退○次日繹祭禮部工部內務府光祿寺官及內務府官員男婦等齊集內務府總管命婦祭酒舉哀行禮○是日奏准



梓宮照例漆飾。○二十六日奉

旨。二十一日二十二日。朕本欲親詣致奠。因二十七日欲親往除服。是以未去。自二十三二十四日以後。朕躬較前少愈。儘可前往。諸皇子大臣屢次勸止。儻朕今可以去而不去。他日回想。豈非遺憾。今朕親往。將此諭衆知之。是日。

聖祖仁皇帝詣

几筵前。親奠上食。祭酒舉哀。○二十七日。行大祭禮。王以下文武官員外藩王台吉等。公主福晉及大臣命婦。內務府官員及妻。照前齊集。陳設畢。讀

祝官奉祭文。跪進奠几。

聖祖仁皇帝詣奠几前。跪。衆隨跪。哀暫止。讀文畢。

聖祖仁皇帝舉哀。祭酒三爵。每祭行一拜禮。衆隨行禮。舉哀興。讀祝官奉祭文。禮部堂官前引。送燎所。齊集王以下皆出。女官恭奉。

冠服送燎所。公主福晉以下婦女皆送至燎所。派出之親王福晉祭酒。衆隨行禮。大門外齊集人等。亦隨行禮畢。

聖祖仁皇帝於

几筵前拜跪除服。衆於是日皆除服。○次日繹祭如前。

繹祭儀。○二十九日。行歲暮禮。陳楮錠五萬。楮錢楮帛各五萬。饌筵三十一席。羊九。酒十五尊。和碩親王以下奉恩將軍以上。民公侯伯以下。文武三品官以上。公主和碩福晉以下奉恩將軍恭人以上。民公侯伯夫人以下。子夫人以上。齊集舉哀行禮。與大祭同。○五十七年元日。王以下內外輟哭一日。○初五日。行周月禮。陳羊酒饌筵如數。

儀駕全設。照例齊集舉哀。儀與大祭同。○期年以前。每周月致祭同。○二月二十一日。行清明禮。

几筵前進挂楮錢寶花。即佛座陳羊酒饌筵如數。不焚

楮帛。衆齊集行禮如儀。○三月十二日。恭上

尊謚曰

孝惠仁憲端懿純德順天翼聖章皇后。前期遣官各一

人祇告

天

地

太廟後殿

奉先殿

社稷前期一日早。內務府官於

几筵香案前設

冊

寶案於兩旁。鴻臚寺官於

太和門階上正中並設

冊案於左

寶案於右。鑾儀衛官於

太和門階下正中設綵亭二

冊亭在前

寶亭在後。內閣禮部官。豫奉絹

冊

寶奉安各亭內奉

冊

寶官及執事官在

太和門階下左旁齊集大學士二人自內閣奉香

冊

寶由中階升設各案上行一跪三叩禮興

聖祖仁皇帝以足疾不能

躬閱奉

冊

寶官至

冊

寶案前行一跪三叩禮興奉

冊

寶由中階降安設各亭內行一跪三叩禮興校尉昇亭

黃蓋

御仗前導奉

冊

寶官執事官隨行自

午門中門出王以下四品官以上於門外齊集候

冊

寶亭至。皆跪候過興奉

冊

寶官執事官。隨綵亭至

長安左門外。乘馬隨行至

殯宮圓牆外下馬步隨。由大門中門入。至二門外。黃蓋

御仗綵亭止。禮部內務府官奉絹

冊

寶。豫安各案上奉

冊

寶官至綵亭前。行一跪三叩禮興。恭奉香



冊

寶。禮部堂官前導。奉

冊官在東。奉

寶官在西。由甬道兩旁進至

几筵前。安設各案上。行一跪三叩禮。興。內務府官奉金冊

寶出。儲藏內庫。是日。

孝惠章皇后儀駕全設。

几筵前陳設香燭果品如儀。王以下入八分公以上內

大臣侍衛滿漢大學士於大門內。民公侯伯以

下滿漢文武四品官以上於大門外。按翼序立。  
贊引官引承祭

皇子自西角門入至

殯殿外北嚮立。典儀官贊執事官各共乃職。贊引官贊

跪叩興。

皇子行三跪九叩禮興。贊引官導

皇子由西門入至中門闕內立。贊跪

皇子跪。贊進

冊奉

冊官至

冊案前恭奉香

冊跪獻

皇子接

冊恭獻畢仍授奉

冊官跪受興設案上一跪三叩退贊進

寶奉

寶官至

寶案前恭奉香

寶跪獻

皇子接

寶恭獻畢。仍授奉

寶官跪受興。設案上。一跪三叩退。典儀官贊宣

冊宣

冊官至

冊案前。跪奉絹

冊宣畢。贊宣

寶宣

寶官至

寶案前。跪奉絹

寶宣畢。同設各匣內。行一跪三叩禮退。贊引官導

皇子仍由西門出。至原位立。贊引官贊跪叩興。  
皇子行三跪九叩禮興。次行奠獻。讀祝致祭禮如  
儀。奠獻皆用內監。禮成恭奉祝帛絹。

冊

寶送燎所焚燎。○十五日行百日禮。

儀駕全設。陳羊酒饌筵楮幣各如數。讀文齊集如  
大祭儀。○又

諭不送

梓宮之人亦俟四月初七日後始行剃頭。○二十一日。  
行啟奠禮。陳羊酒饌筵楮幣如數。王以下子以

上並內府官員公主福晉以下子夫人以上並  
內府官員妻齊集舉哀讀文致祭儀與大祭同。  
○二十三日恭移

梓宮於

孝東陵時值

聖躬初愈欲親往送諸王大臣等奏請勉抑哀情保護  
聖躬停止親詣不允再四敦勸有

旨毋復陳奏順天府耆民數百人合辭泣懇乃勉從衆

請啟送日仍

親詣

梓宮前祭酒舉哀屆時。

皇子內大臣跪勸扶出於

殯宮門外跪候

梓宮過至登大昇輦。猶從別道步至百步外。跪候

靈駕過時。攀戀哀慕。即昇輦。夫校不忍仰視。俟

靈駕漸遠。始乘輿還宮。是日。王以下奉恩將軍以上外

藩王公台吉等於土城關外齊集。民公侯伯以  
下有頂戴官員以上。於八里莊兩旁齊集。內大  
臣侍衛等於

殯宮大門外齊集。內務府官員執事人等於內大臣侍

衛後齊集。內監等於大門外兩旁齊集。公主福晉以下入八分公夫人以上於

殯宮二門內齊集。不入八分公。民公。侯。伯。夫人以下。男夫人以上。於二門外齊集。內務府官員妻於大臣命婦後齊集。於奉移時跪送舉哀。候過。

梓宮登大昇輦。禮部堂官祭舉行禮。

靈駕發。校尉陳

儀駕於馬上前列

冊

寶黃輿在黃蓋後行。



靈駕左右。每班內監各十人。隨從步行。次

寧壽宮宮女車隨行。次內務府婦女六十人乘馬隨行。次掌儀司內監十有五人乘馬隨行。次豹尾班侍衛三十人隨行。離豹尾班數武。王公大小官員等乘馬隨行。每過門橋。遣內大臣二人輪流祭酒。不往送之。王公大小官員。於各齊集處舉哀跪送候。

靈駕過。各退。往送王公大臣官員。於跪迎處候過。乘馬隨行。至第七班。從別路豫往。

蘆殿網城北門外序立候。

靈駕至。跪舉哀。候過。由黃幔城兩旁繞至大門外序立。  
儀駕設門前。

靈駕奉安畢。陳

冊

寶列於左右。乃夕奠。

皇子祭酒三爵。每祭一叩。衆皆隨行禮。舉哀畢。各  
退。○次日早。陳設

儀駕。衆照常齊集。奉移時。

皇子祭酒三爵。衆隨行禮舉哀。

靈駕發。王公各官於幔城大門外。排跪舉哀。候過。分兩

翼在後步行。俟昇校更班後。照常乘馬隨行。每至宿次。復跪迎安奉如前儀。沿途五十里內地。方官於路右百步外跪迎舉哀。候過隨至宿次。幔城大門外。行三跪九叩禮。奠獻時於右翼班末。隨舉哀行禮。○至日。

三陵除直班官員外。咸至興龍口之外舉哀跪迎。靈駕至。暫安奉於

饗殿設

几筵陳

冊

寶於左右。奠獻舉哀畢。各退。○是日。遣官祇告  
昭西陵。

孝陵

孝誠仁皇后

孝昭仁皇后

孝懿仁皇后陵寢並

孝陵后土之神。

昌瑞山神。○每日照常三次上食。

寧壽宮宮女及內府婦女照常齊集舉哀。○四月初五  
日。行奉安禮。陳羊酒饌筵楮幣如數。王以下齊

集舉哀。致祭行禮如常儀。○初七日。奉安

梓宮於

寶城地宮。前期三日遣官祇告

天

地

太廟

社稷。至日。送往王以下各官於大門外。按翼序立。奉移梓宮時。

皇子祭酒三爵。衆隨行禮。公主福晉以下婦女等。

豫至

寶城蘆殿前甬道東序立。俟。

梓宮至。跪迎舉哀。

梓宮升龍輜。陳。

冊。

寶於兩旁。

皇子祭酒三爵。衆皆隨舉哀行禮。是日。

儀駕皆焚訖。至時。

皇子祭酒三爵。移龍輜由隧道入。

地宮。安奉。

寶牀。陳。

冊

寶於左右石几禮成

皇子祭酒三爵舉哀衆隨行禮畢哀止各退○是  
日以

孝惠章皇后奉安

地宮禮成遣官祇告

昭西陵

孝陵

孝誠仁皇后

孝昭仁皇后

孝懿仁皇后陵寢並

孝陵后土之神。

昌瑞山神。○七月十五日遣

皇子詣

孝東陵行禮如儀。○十二月初二日行恭題

神主禮。遣滿漢大學士各一人朝服盥手詣香案前跪  
上香畢同行一跪三叩禮興於

神主空點處填石青畢復行一跪三叩禮退。○初五日  
聖祖仁皇帝親詣

孝東陵行周年禮。○十六日奉



孝惠章皇后神主

升祔

太廟

詳見  
升祔儀

孝康章皇后大喪儀○康熙二年二月十一日

慈和皇太后崩先是

慈和皇太后違豫

聖祖仁皇帝朝夕親視湯藥及大漸憂悴勿勝寢膳皆

忘輔臣近侍等奏請還宮少休不允時

太皇太后以

慈和皇太后疾軫念日切

聖祖仁皇帝數詣

慈寧宮問安。至是

慈馭上賓。

聖祖仁皇帝擗踊哀號。水漿不御。哭無停聲。近侍無不

感泣恭奉。

梓宮於

宮中正殿設

几筵。建丹旒於

宮門外之右。

儀駕全設。

聖祖仁皇帝截髮辮成服。王以下文武各官齊集。

宮門外。公主福晉以下縣君及副都統侍郎男夫人以上齊集。

宮內咸服縞素。每日三次上食。

聖祖仁皇帝親奠獻悲泣。王以下各官每日二次輪流進內舉哀。三以下各官不嫁娶不作樂。各官命婦去首飾。凡二十七日。軍民人等摘冠纓。婦女去首飾。凡七日。○次日。王以下各官公主福晉以下大臣命婦照前齊集舉哀。至晚各退。○第三日早。王以下各官公主福晉以下大臣命婦。

齊集舉哀。公主福晉以下大臣命婦以後不齊集。○第四日早。王以下各官齊集。至日午各散。嗣後在部院衙門辦事及在內直班衣帶各編素冠皆摘纓。○諸王大臣等以

聖祖仁皇帝哀痛過甚。叩請節哀。○第五日。頒

哀詔。禮部堂官至內院接奉至部。遣官頒發各省及朝鮮國。

詔到日。在外文武各官。摘冠纓。素服出城門。跪接舉哀。候過隨行。奉

詔安設公署內正中案上。三跪九叩。宣讀畢。舉哀。又三

跪九叩。自次日起。文武各官。於署內朝夕哭臨。二次。凡三日。服白布服二十七日。各官命婦去首飾。服素服二十七日。軍民人等摘冠纓。婦女去首飾。服素服七日。服內不作樂。不嫁娶。○禮部移文各省督撫提鎮三司官員。免其遣官進香。○二十日。以奉移。

梓宮。遣輔臣祇告。

几筵。至日奉移。

梓宮。安奉壩上。

殯宮。儀駕全設。內大臣侍衛齊集。

宮門外。王公齊集。

東華門外。各官齊集。

東安門外。公主福晉以下大臣命婦。先一日赴壩  
上。

靈駕發。

聖祖仁皇帝祭酒行禮。攀號益切。衆皆跪。隨行禮舉哀。

孝莊文皇后

孝惠章皇后念

聖祖仁皇帝沖齡。荷

宗社之重。不便遠離紫禁。親送

梓宮頻降

懿旨諭止

聖祖仁皇帝雖勉遵

慈諭仍哭踊不輟

梓宮出

奉昇校尉仍用鑒儀衛服色

內大臣侍衛排跪舉哀候過隨

行年隨

內務府婦女一百八十人乘馬於

靈駕後隨行

靈駕出

東華門王公按翼序列舉哀候過隨行在內大臣侍衛之次出

東安門各官按翼序列舉哀候過隨行。半隨往送官員各按旗行每過門橋內務府官進爵禮部堂官祭酒。

靈駕至壩上公主福晉以下大臣命婦以上按翼序立跪接舉哀隨入王以下各官在門外按翼序立候奉安畢王公內大臣侍衛都統子尚書皆進內按翼序立輔臣跪祭酒三爵王以下各官及公主福晉以下大臣命婦皆跪隨行三叩禮興舉哀畢各退。○二十七日行清明禮陳饌筵二十五席羊九酒十三尊公侯伯以下參領雲騎



尉以上一半齊集。內大臣侍衛輪流前往。輔臣跪祭酒三爵。各官隨行禮。○三月初七日行初祭禮。

儀駕全設。陳楮製丹旄一。楮錠二十萬五千。楮錢十四萬五千。畫緞萬端。楮帛五萬端。饌筵八十一席。羊二十七。酒四十一尊。王以下奉恩將軍以上民公以下各官。一半齊集。公主福晉以下縣君奉恩將軍恭人以上。民公侯伯夫人以下副都統侍郎男夫人以上。皆齊集行禮。讀祭文時。衆皆跪。讀畢。輔臣祭酒三爵。衆皆隨行禮。立。

舉哀

慈和皇太后姻戚夫人至燎所舉哀。祭酒三爵。是日滿  
二十七日。

聖祖仁皇帝除服。衆皆除服。○次日。行繹祭禮。陳楮錠  
二萬。楮錢萬。饌筵十一席。羊五。酒五尊。惟內務  
府官齊集行禮。○十一日。行初周月禮。陳楮錠  
五萬。楮錢五萬。饌筵二十一席。羊九。酒九尊。民  
公侯伯以下。副都統侍郎男以上。一半齊集。以  
後周月致祭。儀同。○奉安

寶位禮致祭。儀與滿月同。○二十五日。行大祭禮。

儀駕全設。衆咸齊集。奠獻行禮。與初祭同。○次日  
繹祭。與初祭之次日繹祭同。○五月二十一日。  
行百日禮。陳楮錠五萬。楮錢四萬五千。楮帛二  
萬。饌筵二十五席。羊九。酒十三尊。儀與滿月同。  
○二十七日恭上

尊謚曰

孝康慈和莊懿恭惠崇天育聖章皇后。前期遣官告祭

天

地

太廟

社稷至日。

聖祖仁皇帝素服御太和門恭

閱

冊

寶內院官一跪三叩。奉安黃輿內。

聖祖仁皇帝還宮。校尉舁輿前列黃蓋

御仗。禮部鑾儀衛堂官內務府官前導出

東華門至壩上安設

殯殿內。禮部官一跪三叩。奉

冊

寶設黃案上。復一跪三叩退。○奉移前期一日致祭。

儀駕全設。陳金銀錠五萬。楮帛楮錢各五萬。饌筵三十一席。羊九。酒十五尊。王以下鎮國將軍以上咸齊集。民公侯伯以下副都統侍郎男以上一半齊集。設

冊於左。設

寶於右。禮部讀祝官一跪三叩。奉

冊

寶宣讀。次讀祝文畢。輔臣跪。祭酒三爵。衆隨行禮畢。隨送內大臣侍衛各官及內府婦女咸宿壩上。○

是日早。

儀駕全設。內大臣侍衛在

殯宮門內。各官在門外。按翼序立。舉哀。禮部官於  
几筵前祭酒三爵。至吉時。

慈和皇太后姻親都統副都統恭奉

寶位奉安寶輿內。校尉舁輿。大臣各官命婦等隨後步  
行。至城門。祭酒三爵。出城後。大臣各官命婦等  
皆乘馬隨行。遇橋禮部堂官祭酒。每晚至宿次。  
大臣各官按翼齊集。奠獻舉哀。徹饌畢。各退。  
六月。行安葬禮。輔臣內大臣侍衛公侯伯以下。

文武三品官以上。於網城外按翼序立。候靈駕至。跪舉哀。候過。隨至木城外序立。舉哀。恭奉寶位安設圓幄內。衆皆退。是日

儀駕皆焚訖。其安葬

地宮致祭禮並載

世祖章皇帝大喪儀。○九年三月。恭上

廟謚曰

孝康慈和莊懿恭惠崇天育聖章皇后。

升祔

太廟。

詳見升祔儀。

欽定大清會典事例卷四百七十八

禮部

喪禮

孝昭仁孝誠仁皇后大喪儀

孝誠仁皇后大喪儀○康熙十三年五月初三日。

仁孝皇后崩奉安

梓宮於

乾清宮設

几筵建丹旒於

乾清門外之右。

聖祖仁皇帝輟朝成服。



妃

嬪宮人咸成服緇編陳

儀駕於

乾清門至

隆宗門左翼官於

景運門外右翼官於

隆宗門外依次齊集王以下入八分公以上進內  
於丹陛上內大臣侍衛於丹墀不入八分公以  
下奉恩將軍以上滿漢文武官員於

乾清門外均齊集序立舉哀公主親王福晉及縣

君進內郡王福晉以下奉恩將軍恭人以上民  
公侯伯子男夫人各依班次於  
景運門外齊集處舉哀咸成服凡守

堂子官吏祭

神殿執事官員男婦內監

壇

廟

奉先殿官員內監

陵寢官員內監出征將軍以下兵丁以上妻子漢官命

婦皆停給孝服本家現有出痘及父母新喪人

等暫停給孝服

凡筵前朝晡日中三設奠王以下各官每日早晚齊集  
舉哀二次凡三日止旗下散秩官仍每日二次  
齊集

簡命大臣辦理喪儀王以下文武各官不嫁娶不作樂  
凡二十七日民間凡七日止○初五日奉移

梓宮至

西華門外

殯宮儀駕全設昇輦校尉民夫

前班末班用校尉餘用民夫

八十人

豫備八人鑾儀衛官四人節示進退文官三品

京堂以下給事中御史郎中以上武官公侯伯  
一等侍衛以下參領輕車都尉王府長史以上  
每班各四人管束夫役工部夫頭四人司擊響  
尺此後仿於奉移時禮部尚書祭舉祭酒三爵過  
門橋遣大臣祭酒

聖祖仁皇帝親臨送王以下各官公主福晉以下內府  
官命婦以上皆豫赴奉安

殯宮公主福晉以下在圍牆外序立內府官命婦等在  
圍牆內序立候

靈駕至跪舉哀候過王以下內大臣都統大學士尚書

子以上公主福晉以下大臣命婦以上隨進按翼序立舉哀副都統侍郎以下在圍牆外序立舉哀奉安

梓宮於

殯殿祭酒三爵舉哀各退王以下入八分公以上內大臣侍衛每日清晨在

殯宮大門內齊集不入八分公以下奉恩將軍以上及閒散覺羅旗下官員仍每日兩次在

殯宮外齊集舉哀○凡祭日及奉移日

几筵前仍設午奠晡奠如常遣姻戚大臣夫人祭酒

妃

嬪公主福晉

皇子王公皆不齊集如繹祭儀

此後仿

在京朝鮮國

使臣亦給白布服免其齊集頒

敕諭計聞該國遣官到日照例成服○又題准現今三

藩叛逆大兵致討恐在外各官舉哀制服有感  
觀聽移文直省免其齊集舉哀制服及遣官進  
香○初八日奉

旨擬上

大行皇后諡號遵

旨議准

冊諡典禮請恭擬

諡號後由部交欽天監敬擇日期其香絹

冊

寶及盞箱等項交工部敬謹製造祇告

太廟遣官由該衙門奏遣祇告祭文暨

冊文

寶文

冊諡祭文由翰林院撰擬正副使由宗人府開列親王

郡王等名咨部奏遣其讀祝官宣

冊

寶贊引典儀奠獻各執事官由太常寺選用恭上

尊謚儀節屆期具奏一切需用器物照例行文各該衙門辦理○十三日行殷奠禮設

儀駕陳楮錠楮錢楮帛各三萬饌筵二十一席羊九酒十一尊

聖祖仁皇帝親臨王以下文武各官公主福晉以下奉恩將軍恭人以上民公侯伯一品夫人以下副都統侍衛命婦以上齊集讀祝文時衆皆跪讀畢祭酒三爵衆皆三叩興舉哀讀祝官奉送燎



所

聖祖仁皇帝還宮。衆皆退。○是日大祭。

北郊遣官恭代行禮。豫期視牲省牲。咸素服。照常齋戒。  
祭日咸朝服。○二十一日行初祭禮。設

儀駕。陳楮錠二十萬五千。楮錢十四萬五千。畫緞  
萬端。楮帛五萬端。饌筵八十一席。羊二十七。酒  
四十一尊。

聖祖仁皇帝親臨均齊集如儀。讀文祭酒禮節與殷奠  
同。是日。

聖祖仁皇帝除服。

妃

嬪以下宮人咸隨除服

聖駕回宮。衆皆退。○次日行繹祭禮。陳楮錠二萬。楮錢一萬。饌筵十一席。羊五。酒五尊。內務府官員命婦齊集致祭。○二十五日。行奉移禮。

儀駕全設。陳羊酒饌筵楮帛如殷奠之數。照例齊集。讀文祭酒。行禮舉哀如前儀。○二十七日。奉移。

梓宮暫安於都城北沙河鞏華城

殯宮。儀駕全設。奉移時。禮部堂官祭舉。所過門橋。遣內

大臣祭酒

聖祖仁皇帝親臨送內大臣侍衛於西安門內齊集。王以下奉恩將軍以上於西安門外。民公侯伯以下文武各官於大街兩旁。漢官於八旗之下。各按翼序立。

靈駕至。跪舉哀。候過興。不往送。各官皆退。往送各官出城外。按旗乘馬隨行。公主福晉以下。縣君奉恩將軍。奉人以上。民公侯伯一品夫人以下。男夫人以上。於德勝門外關廟內齊集。

靈駕至。跪舉哀。候過各退。至沙河奉安。

賓宮設

几筵祭酒三爵王等各官咸隨行禮舉哀各退。二十

九日行大祭禮

聖祖仁皇帝親臨設

儀駕陳羊酒饌筵楮帛如初祭之數王以下奉恩將軍以上民公侯伯以下文武各官公主福晉以下縣君奉恩將軍恭人以上民公侯伯一品夫人以下男夫人以上咸齊集讀文致祭行禮舉哀均如前儀是日滿二十七日王以下各官公主福晉以下大臣命婦等皆至焚燎處兩旁

序立。姻戚大臣夫人祭酒三爵。衆皆跪。每祭隨叩。祭酒除服各退。○次日繹祭。陳設禮儀與前初祭次日繹祭同。○六月初三日行滿月禮。設儀駕。陳楮錠五萬。楮錢五萬。饌筵二十一席。羊九酒九尊。王以下奉恩將軍以上。民公侯伯以下男以上齊集。祭酒行禮如儀。百日內每滿月齊集祭酒行禮。咸與初滿月同。百日外惟內務府官員男婦齊集致祭。○初七日行

冊諡禮諡

大行皇后曰

仁孝皇后雍正元年恭加尊諡曰

孝誠廟號改上仁皇后

內務府

官豫於

殯宮外陳

儀駕設

冊

寶案各一香案一於

几筵前設祭品點香燭鴻臚寺官設

冊

寶案於

太和門階上

冊案左。

寶案右。鑾儀衛官設綵亭各一於階下正中。正副使及執事官素服序立於階下之左。內閣大臣奉香。

冊

寶匣列各案上行一跪三叩禮。退立階下之左。禮部官

奉絹

冊

寶匣。豫設綵亭內。陳設畢。禮部堂官奏請

聖祖仁皇帝素服御太和門座。引正副使由東階升詣冊

寶案前各行一跪三叩禮興正使奉

冊副使奉

寶由中階降設亭內行一跪三叩禮禮部堂官奏禮成  
聖駕還宮校尉昇亭

冊前

寶後黃蓋

御仗前導由中路出正副使隨行內大臣侍衛於  
午門金水橋兩旁王以下奉恩將軍以上於

西華門內滿漢四品以上官於

西華門外按翼序立



冊

寶亭至。皆跪候過隨行。

冊

寶亭出德勝門。至鞏華城進南門。正副使執事官咸於門外下馬。隨祭內大臣侍衛滿漢四品以上官於鞏華城皇城外排跪奉迎。綵亭由中門入。至二門止。禮部官豫奉絹

冊

寶設於各案。正副使詣亭前行一跪三叩禮奉香

冊香

寶由中路至

几筵殿內設於各案

冊左

寶右行一跪三叩禮正副使詣香案前贊引官贊上香

正使上香贊宣

冊宣讀官奉

冊立宣訖贊宣

寶宣讀官奉

寶立宣訖仍陳於各案上正使奉香

冊副使奉香

寶陳設於

几筵前。

冊左

寶右行一跪三叩禮由左門退出鴻臚寺官引內大臣  
侍衛滿漢四品以上官至階下兩翼序立隨承  
祭官致祭上香奠帛讀祝三獻爵行禮如儀恭  
奉祝文絹

冊

寶送燎所禮成翼日頒

詔布告天下○七月初一日孟秋時饗

太廟遣官行禮。分獻執事各官咸朝服。○初三日。

聖祖仁皇帝親至鞏華城行二滿月禮。祭酒舉哀。以後月祭

皆親臨○十五日。行中元禮。設

儀駕陳楮錠十萬。楮錢七萬。畫緞萬端。楮帛二萬。  
端饌筵二十一席。羊九。酒九尊。衆咸齊集。讀文。  
祭酒行禮如儀。○八月十二日。

聖祖仁皇帝至鞏華城駐蹕。翼日行百日禮。設

儀駕陳楮錠五萬。楮錢四萬五千。楮帛二萬。饌筵  
二十五席。羊九。酒十三尊。王以下奉恩將軍以  
上。民公侯伯以下。男以上。齊集致祭。自百日後。

至周年。每日仍三次奠獻周年外。日一次奠獻。三年後。朔望獻酒果。○十三日。朝鮮國王遣官進香致祭。設

儀駕王以下及奉恩將軍民公侯伯以下及滿漢四品官均齊集。朝鮮使臣於右翼末位。陳設祭品。上香。鳴贊。官贊使臣於仗南行三跪九叩禮畢。退立原班。讀文。遣官一人祭酒三爵。王以下各官皆跪。引朝鮮使臣至拜位。跪。隨行三叩禮。舉哀興。復贊行二跪六叩禮畢。徹饌。焚祭文。各退。○歲暮致祭。

儀駕全設。陳楮錠楮錢楮帛各五萬。饌筵三十一席。羊九。酒十五尊。民公侯伯以下。四品官以上。公主福晉以下。大臣命婦以上。咸齊集。讀文祭酒行禮。十四年正月行題。

主禮大學士一人詣沙河於奉安。

升拊。

奉先殿神主前點香燭。一跪三叩恭奉。

神主。禮部官前導。至黃案前奉安案上。點香燭。一跪三叩。滿漢大學士各一人。朝服盥手。詣香案前行。一跪三叩禮畢。敬點。

神主。復行三叩禮。大學士一人詣黃案前。一跪三叩。恭奉。

神主奉安。鳳輿內一跪三叩。興。校尉舁輿設。

儀駕出鞏華城南門至。

東華門。

儀駕止。

御仗黃蓋前導至。

奉先殿誠肅門外止。王以下文武各官咸於。

東華門外齊集。跪候過。各退。禮部太常寺官十人導引內閣大臣隨輿至。

誠肅門是日

升祔

奉先殿奉安行禮致祭

詳見內務府

○清明日

几筵殿內左旁挂楮錢寶花一座。不焚楮帛。是日因

皇太子出痘。照

陵寢四時大祭例。遣官讀祝奠帛。三獻行禮。設

儀駕。覺羅民公侯伯以下。三品官以上。齊集。素服

陪祭。停止舉哀。○周年致祭。設

儀駕。陳楮錠楮錢楮帛各五萬。饌筵三十一席。羊

九。酒十五尊。王以下。奉恩將軍以上。民公侯伯



以下滿漢四品官以上公主福晉以下大臣命婦以上咸齊集讀文祭酒行禮。周年後每日奠獻如常儀。每滿月致祭陳楮錠楮錢各五千。饌筵五席。羊三。酒三爵。二周年致祭陳金銀錠三萬楮錢楮帛各萬。饌筵十一席。羊三。酒一尊。王以下奉恩將軍以上民公侯伯以下三品官以上公主福晉以下大臣命婦以上咸齊集讀文祭酒行禮如周年儀。清明日齊集致祭如二周年儀不讀文。○七月十五日行中元禮陳設如儀。衆咸齊集讀文祭酒行禮。○歲暮日。

值饗

太廟王以下。公以上皆免齊集。鎮國將軍以下。四品官以上。一半齊集。公主福晉以下。大臣夫人以上。咸齊集。讀文祭酒行禮。○三周年後。每月朔望。聖節忌辰。十月朔並清明中元冬至歲暮四大祭。及遇慶典。照常致祭。均照

陵寢致祭例。遣官朝服行禮。○二十年三月。奉移梓宮。與

孝昭仁皇后同日奉安。

一應禮儀詳見於後

孝昭仁皇后大喪儀。○康熙十七年二月二十六日。

孝昭皇后崩奉安

梓宮於

宮中正殿設

几筵建丹旒於

宮門外之右

聖祖仁皇帝輟朝成服

妃

嬪以下以及宮人等

皇太子

皇子皆成服諸王以下文武官員公主福晉以下

八旗二品夫人以上咸齊集舉哀持服二十七  
日凡守

堂子官東祭

神殿執事官員內監

壇

廟

奉先殿官員內監

陵寢官員內監出征將軍以下兵丁以上妻子漢官命

婦皆停給孝服本家現有出痘及父母新喪人  
等皆停給孝服以軍興免直省各官文武官齊

集舉哀制服及遣官進香

梓宮前一應陳設行禮致祭皆與

仁孝皇后同。惟行聖公五經博士在京亦給孝服一例

齊集。○二十八日奉移

梓宮於

武英殿

儀駕全設。內大臣侍衛於

景運門內西嚮序立。王以下各官於

西華門內東嚮序立。候

梓宮至。皆跪舉哀。候過興。公主福晉以下。大臣命婦以

上先至

武英殿門內兩廡階下按翼序立候

梓宮至跪舉哀候過興奉安畢祭酒三爵各退

聖祖仁皇帝親臨

二十九日

三十日

親臨諸王以下文武各

官每日早晚兩次集

武英殿門外隨行禮舉哀○又題准春分日原定

親詣

日壇行禮今請停進齋戒牌銅人改遣官行禮祀日

用樂承祭執事各官咸朝服百官免陪祀○三

月初二日奉

旨擬上

大行皇后謚號遵

旨議准

冊謚典禮應照康熙十三年遣使

冊謚禮交各該衙門照例辦理敬謹舉行○初六日祭

帝王廟承祭分獻執事各官咸朝服用樂漢官陪祀

滿官不陪祀○初七日行殷奠禮

聖祖仁皇帝親臨陳設禮儀與

仁孝皇后殷奠禮同○十三日遣官行清明禮不焚楮

帛進挂楮錢寶花一座設

儀駕陳羊酒饌筵如數。王以下文武各官公主福  
晉以下男夫人以上咸齊集。祭酒三爵。每祭一  
叩。舉哀畢各退。○十五日行初祭禮。與

仁孝皇后初祭禮同。是日

聖祖仁皇帝除服

妃

嬪皆除服。○次日繹祭。陳設禮儀。與祭

仁孝皇后禮同。○二十五日奉移

梓宮於沙河翠華城。前期行啟奠禮。並遣大臣於

仁孝皇后几筵前祭告。至日奉移齊集行禮。



靈駕啟行住鞏華城皆與

仁孝皇后同安於

殯殿左間

聖祖仁皇帝親臨送王公滿漢文武大小官員齊集西  
安門外舉哀跪送其往送王公大小官員等至  
鞏華城奉安畢舉哀行禮是日

聖祖仁皇帝駐蹕鞏華城○二十六日行大祭禮

聖祖仁皇帝親臨陳設禮儀與

仁孝皇后大祭禮同諸王以下文武官員咸齊集舉哀

祭畢

皇太子

皇子除服。衆皆除服。○次日繹祭。齊集行禮。○二十八日。行周月禮。齊集舉哀如儀。以後月祭同。○閏三月初九日。行

冊謚禮。

聖祖仁皇帝素服。

御太和門

閱

冊

寶。遣官詣鞏華城。

冊諡

大行皇后曰

孝昭皇后。儀與

冊諡

仁孝皇后禮同。○四月初一日。孟夏時饗。

太廟遣官行禮。朝服作樂。○五月初二日。大祭。

方澤遣官行禮。朝服作樂。○初七日。行百日禮。

聖祖仁皇帝親臨。陳設禮儀。與十三年

仁孝皇后百日禮同。百日後。周年內。仍每日奠獻三次。

周年外。日奠獻一次。三年後。朔望獻酒果。○七

月十五日。行中元禮如儀。○歲暮。因

皇太子出痘。遣官素服行禮。讀祝奠獻。仍陳設  
儀駕。不焚楮帛。停舉哀。○十八年正月。因歲暮未  
行大祭。特舉大祭如儀。○周年致祭。周年後月  
祭。清明中元歲暮二周年之祭。將奉安行題

主禮。

升祔

奉先殿均如

仁孝皇后儀。○二十年二月

陵寢地宮成。十七日奉移

仁孝皇后

孝昭皇后梓宮行啟奠禮各設

儀駕陳楮錠楮錢楮帛各五萬饌筵各三十一席  
羊各九酒各十五尊祭文各一道遣

皇子致祭讀文祭酒行禮王以下四品官以上公  
主福晉以下大臣命婦以上齊集皆隨行禮祭  
畢讀祝官奉祭文送燎所各退○十九日奉移

仁孝皇后

孝昭皇后梓宮於

陵寢設

仁孝皇后儀駕於左

孝昭皇后儀駕於右

冊

寶各陳鳳輿內前行。昇大昇輿校尉民夫各一百二十

八人。

首班末班用校尉  
餘用近畿民夫

每日分六十班。每班備

四人。共七千九百二十人。直隸巡撫今改總督率司

道府州縣會同在京三品堂官以下。科道主事

以上。八旗遴選公侯伯以下。雲騎尉以上。及前

鋒參領護軍參領上三旗一等侍衛下五旗王

府長史散騎郎一等護衛等官。每班各四人。更

番管束工部夫頭四人。豫備四人。分兩班輪司  
響尺。鑾儀衛官節示進退。此後仿屆時祭酒三爵。

聖祖仁皇帝親臨送內大臣侍衛於沙河。鞏華城外。王  
以下奉恩將軍以上。於西賓家莊。西覺羅民公  
侯伯以下。滿漢各官於西賓家莊東齊集。公主  
福晉以下奉恩將軍恭人以上。民公侯伯一品  
夫人以下。男夫人以上。於東賓家莊東齊集。候  
靈駕至。王以下各官。公主福晉以下大臣命婦等。按翼  
序跪舉哀。候過各退。往送之王以下各官及內  
大臣侍衛。接旗乘馬隨行。過門橋祭酒。至宿次。

奉安

靈駕於

廬殿內奠獻祭酒三爵。王以下各官排班行禮舉哀。各退。○每早啟行時祭酒三爵。所過地方五十里內文武官員於道右百步外跪迎。至宿次於網城外行三跪九叩禮。奠獻時在旗末。隨舉哀行禮。次早於道右排跪。舉哀候過。○二十六日至

陵時暫奉安

廬殿內祭酒三爵。王以下各官隨行禮舉哀。各退。每日照常奠獻祭酒。○奉安前期三日遣官祇告



天

地

太廟

社稷並遣官祇告

孝陵暨

后土

昌瑞山之神。○三月初七日。以移請

梓宮奉安

地宮。行遷奠禮。讀文致祭。○初八日。設

儀駕。陳楮錠楮錢楮帛各三萬。饌筵各二十五席。

羊各七。酒各十五尊。咸齊集。祭酒行禮舉哀。奉移。

梓宮。王以下各官在圍棚外按翼排跪。舉哀候過。隨後步行奉安。

梓宮於方城前。

廬殿內升龍輜。奠饌筵。祭酒三爵。衆隨行禮。舉哀畢。各退。

儀駕焚訖。至日。

聖祖仁皇帝親臨。王以下滿漢大臣齊集。屆吉時祭酒三爵。奉移龍輜由隧道入。

地宮奉安

寶牀

仁孝皇后梓宮在左

孝昭皇后梓宮在右香

冊香

寶均照左右奉安

皇后姻戚大臣及內務府禮部工部堂官

欽命者得入奉安畢

聖祖仁皇帝於方城前祭酒三爵齊集王公百官皆舉

哀隨行禮畢卒哭各退○是日遣官詣

孝陵致祭並祭

后土

昌瑞山之神因

饗殿尚未告成於

寶頂方城前平臺上蓋造

廡殿自四月朔日起四時各大祭每月朔望十月朔志  
辰皆照沙河例致祭